

Headline	RM40 juta bantu KKM		
MediaTitle	Utusan Sarawak		
Date	25 Mar 2020	Language	Malay
Circulation	37,981	Readership	113,943
Section	EKONOMI	Page No	31
ArticleSize	367 cm ²	Journalist	N/A
PR Value	RM 10,260		



RM40 juta bantu KKM

KUALA LUMPUR: Rangkaian Tindak Balas Bencana (GDRN) syarikat berkaitan kerajaan dan syarikat pelaburan berkaitan kerajaan beserta pelbagai rakannya, berjaya mengumpul sejumlah RM40 juta setakat ini bagi membantu Kementerian Kesihatan (KKM) menangani pandemik Covid-19.

GDRN itu diuruskan oleh Sekretariat Bersama diterajui oleh Yayasan Hasanah (di bawah Khazanah Nasional Bhd) serta Telekom Malaysia Bhd (TM), demikian menurut kenyataan GDRN semalam.

"Sumbangan terkumpul berjumlah RM40 juta itu disalurkan oleh beberapa GLC (syarikat berkaitan kerajaan), GLIC (syarikat pelaburan berkaitan kerajaan) dan entiti swasta bagi menyokong pelbagai inisiatif kemanusiaan dan berkaitan dengan perub-

atan," kata kenyataan itu. Daripada RM40 juta itu, sejumlah RM17 juta merupakan ikrar secara langsung kepada GDRN bagi membantu KKM membeli keperluan perubatan, kelengkapan perlindungan diri (PPE) dan ventilator yang diperlukan oleh Kementerian, hospital dan awam.

Syarikat dan organisasi yang memberi sokongan itu adalah Affin Bank Bhd, CIMB Bank Bhd, Kumpulan Wang Persaraan (Diperbadankan), Permodalan Nasional Bhd, Sime Darby Property Bhd dan Pharma-niaga.

Turut memberi sokongan selain Yayasan Hasanah adalah Tenaga Nasional Bhd (TNB), Telekom Malaysia, TIME dotcom Bhd, Yayasan Sime Darby dan Yayasan UEM.

Aspek penyelarasan dan

pelaksanaan pemerolehan, pengendalian, penyimpanan dan pengedaran akan diuruskan oleh PharmaNiaga Bhd, kata kenyataan itu.

Sementara itu, Pengarah Urusan Yayasan Hasanah, Shahira Ahmed Bazari berkata, sokongan itu perlu di-selaras secara berkesan bagi mengelak berlakunya pertindihan usaha serta bekalan terbabit. "Kami berharap platform ini akan dapat memperkemaskan lagi pendekatan membantu KKM serta negara ini dalam tempoh sukar seperti sekarang.

"Pada masa ini, Yayasan Hasanah sedang menyelia usaha ini dengan GLC dan GLIC di bawah GDRN dan mengalu-alukan sektor swasta untuk turut sama membantu usaha ini," katanya.

Selain itu, beberapa ahli GDRN telah melaksanakan beberapa misi bantuan ber-

nilai kira-kira RM23 juta membabitkan usaha pengedaran bekalan makanan, kit kebersihan, kelengkapan perubatan ke hospital termasuk klinik kesihatan daerah, universiti yang masih menempatkan pelajar di kampus masing-masing dan pusat pemantauan yang diuruskan oleh Agensi Pengurusan Bencana Negara (NADMA).

Malah, komitmen GDRN menyokong usaha membendung Covid-19 akan diteruskan selepas tempoh Perintah Kawalan Pergerakan berikutan hasrat untuk membantu golongan B40 yang terjejas akibat Covid-19 dalam jangka panjang.

Ini selaras dengan matlamat penubuhan GDRN iaitu memastikan tindak balas holistik dalam jangka pendek, sederhana dan panjang khususnya ketika waktu ber-



PENGARAH Urusan Yayasan Hasanah, Shahira Ahmed Bazari.

lakunya bencana seperti mana sokongannya di serata negara pada 2013-2019.

Pihak yang berminat memberi sumbangan menerusi GDRN dan Yayasan Hasa-

nah boleh menghubungi pihak Yayasan Hasanah dan GDRN di talian 019-2782707 atau emel anita.ahmad@hasanah.org.my.

— Bernama